

محاضرة 01) خطة بناء الأبناء التفصيلية(

شريف طه يونس

اكم خلق الله تعالى. من ارسلهم للانسان بالشارعات جاءوا حقا بالميزة وشموس كانت للدنيا ونجوم تهدى الحياة ايران قد زكي ربى منهمهم سيرتهم امن وامان بسم الله والحمد لله والصلوة والسلام على رسول الله صلى الله عليه وسلم. ان شاء الله نستأنف المحاضرة العاشرة لنادي السلام المباركة سلسلة بناء الابناء. على ضوء منهاج الانبياء. كنا آآ ملخص سريع - 00:00:00
قلنا ان احنا عايزيين نعرف لاما الابناء ولمازا منهجه الانبياء؟ تمام؟ وبعدين قلنا بقى عايزيين نشوف اركان عملية البناء دي زاتها او اركان بناء الابناء. قلنا الباني مبني وعملية البناء. اتكلمنا عن الباني والمبني الحمد لله وعملية البناء قلنا في حاجتين مهمتين.

عايزين نعرف الخطة الاجمالية والخطة التشغيلية او التفصيل - 00:01:04

الخطة الاجمالية قلنا محتاجين اربع حاجات مهمين. المنشود الموجود المفقود الجهود. خلاص والخطة التفصيلية هنتكلم عنها ان شاء الله. في الخطة الاجمالية آآ عرفنا الحمد لله المنشود اللي هو المنتج اللي ينبغي ان يخرج من - 00:01:24

بناء الابناء على منهاج الانبياء مواصفاته ايه وشكله ايه؟ خلاص؟ دي كده زي مواصفات قياسية لو صح التعبير. انا حاططها قدام عيني وعايز اوصل لها وبناء عليه باخد المواصفات القياسية دي وباقوم احلل الموجود. ايه بقى اللي موجود اللي انا احلله - 00:01:43

الولد او البنت فمسلا احنا قلنا ان يكون امام للمتقين. صالح اه الحاجات دي كلها انا اعمل ايه؟ امسكها واشوف ايه اللي ناقص كل الناس مش مشكلة مش مشكلة لان دايما يا جماعة بصوا دايما على النعمه - 00:02:02

اللي في الامر على الرحمة اللي في الموضوع يعني الناس طب هو مش نعمة ان الواحد تبصر دلوقتي نعمة كبيرة مش رحمة ان انا ادركت الامر دلوقتي قبل ما اجي اقول آآ يا ليتنى ويا ويلتى - 00:02:29

هنا فخير كبير بل اصلا يعني من البشيريات ان ربنا لما يريد بانسان خير بيصره بشيء يمكنه تداركه قبل موته يعني من علامات ان ربنا يريد بالانسان الخير انه بيصره ايه؟ في في وقت المهلة - 00:02:48
لدى بشرى لأ ده غير عسالة ودي يعني عسلة وده في اخر حياته اللي هو يوفقه لطاعة سم يقبضه عليه. لأ احنا بتتكلم على ان انت ربنا بيصرك وانت لسة عندك وقت - 00:03:14

عايش اهو طالما الواحد عايش بيقى في وقت في وقت على الاقل يتوب ويستغفر انما وده بتبقى بشري ان ربنا هيتجاوز عن العبد في المسألة دي وهيفتح له ابواب الخير - 00:03:29

ان هو يختاره لها ويفقه لها ان هذا لا يكون الا منة من الله ان الله يعطي الدنيا من يحب ومن لا يحب ولا يعطي الايمان الا لمن احب الله لا يعطي الايمان الا لمن احب - 00:03:51

والعمل الصالح الواحد يتسمى ايماء و ما كان الله ليضيع ايمانكم يعني ايه ايمانكم صلاتكم الى بيت المقدس الصلاة سنة ايمان في اعتقاد النبي واصحابه واعتقاد اهل السنة والجماعة ان العمل الواحد الصالح اتسمى ايمان. فالقاعدة دي اسمها ايماء عند ربنا - 00:04:09

فالله سبحانه وبحمده يعطي الدنيا من يحب ومن لا يحب ولا يعطي الايمان الا لمن احب خلاص؟ وبناء عليه دي بشري خير ان هو هيتعين يعني العلماء يقولوا على اصحاب الاعراف. اه يعني غير حتى المجاهدة. يعني فكرة التيسير للطاعة - 00:04:32
يعني العلماء حتى يقولوا على اصحاب الاعراف ايه؟ يقولوا ربنا بيقول لم يدخلوها وهم يطمعون فيقول لك اهل الاعراف من اهل

الجنة حتما ليه يا عم يقول لك لا يطمعهم الا اذا كان سيدخلهم اياها - 00:04:56
لان ربنا ما بيعيش بعابده وبيعيش بمشاعرهم فلما يلقي في قلوبهم الطمع في دخولها يبقى هيدخلوها ولذلك كنت بقول الانسان لا يفرح بالطاعة بقدر فرحة بان ارتضاه الله للطاعة الفضل اللي من ربنا - 00:05:17

والرحمة انه يرضيه للطاعة. قل بفضل الله وبرحمته فبذلك فليفرحوا هو خير مما يجمعون ففرح العبد بارتضاء الله له للطاعة اعظم من فرحة بالطاعة فرح العبد بان ربنا يقبله مطينا وييسر له اسباب الطاعة هذا خير كبير من الله سبحانه وبحمده - 00:05:44

فان شاء الله هذه بشري خير باذن الله. والله اكرم من ان واحد يهتم بمسألة ويقعد يسمع لها عشر محاضرات ويقعد قاعد على كرسى وضهره واجعه ولا مش عارف مصدر ولا كلام - 00:06:06

ده كله اكرم من انه يريد الشيء ده ولا ينيله اياه بس ما تزعلوش مني اصلا في واحد لا يريد حد فهو مش هييجي له لان هو اصلا ايه فهذا عالمة اراده. فان شاء الله ابشرها باذن الله - 00:06:20

حد عنده مشكلة ان شاء الله تتحل. لان الحل ده مش لازم يكون بايدينا ولا بتدارينا يعني ممكن يجي من عند ربنا منحة للعبد كده بس ان ربنا يرى العبد ايه - 00:06:40

يبسعي خد خطوة مشغول بالامر مجرد بس بيسعي خد خطوة مشغول بالامر هو اكرم من انه يخيب رجاءه فيه اكرم انه يخيب رجاءه فيه طيب ولذلك احنا عايزين نفهم ونتعلم. واحنا بنفهم وبنتعلم واحنا في الطريق الخطوات دي في حد ذاتها حلول - 00:06:56

يعني ده في حد ذاته حلول ان الانسان بيفهم وبيتعلم ويأخذ باله وبيرتقب اوراقه وبيعيد ترتيب البيت من الداخل له حلول في حد ذاتها طيب فخدنا كده المعايير او الشكل اللي احنا عايزين نوصل له المنشود - 00:07:23

اللي انا اتمناه لابني وحتى ايفين لو او حتى يعني احنا وصلنا ان احنا زورو بيرست ان صفر في المية ما فيش حاجة موجودة من الكلام ده خالص ما فيش مشكلة نبدأ انا كنت بقول لو هنبص للامر من زاوية اخرى - 00:07:39

ممكن تبصي للابن المتعبه او البنت المتعبه على انه نعمة من الله وشقاء ربنا بيكرهني بس لو بصيتي من زاوية تانية ابى الله الا ان ثوابك يزداد عن ثواب اللي عندها عيل مريح - 00:07:56

هذا هو اغلبية لاني انت دلوقتي الجهد اللي انت بتبذليه بقى ايه؟ اكتر ما يصيب المؤمن من وصب ولا نصب روایة من هم ولا حزن ولا وصب ولا نصب. حتى الشوكة يشاكلها الا كفر الله بها من خطاياه - 00:08:16

قد يرسل الله على العبد جنود الهم اصطفاء له جندي الهم ده بييجي على صدرك مهمومة بشيء ومغموم به ليه؟ لانه كتب لك منزلة لا تبلغيها بعملك. فكان لابد انه يقدر عليك حاجة ترفع لك الدرجات انما يوفى الصابرون اجرهم بغير حساب - 00:08:40

ولذلك لما هنبص للابن غير الصالح من زاوية اخرى او الولد اللي مش الصورة اللي احنا نتمناها او البت اللي مش نتمناها من زاوية اخرى بالعكس ممكن الخير لي ان انا ايه - 00:09:06

ان في ميزان حسناتك لا سيملا لو فهم العبد ان هو مشكلة من مشكلته اصلا مع ابنه كانت تعلق بالنتائج انا كنت دايما اقول من اضر الاشياء بالسالكين التعلق بالنتائج - 00:09:19

من اضر الاشياء بالمصلحين التعلق بالنتائج. حلوة ولا وحشة انت شغاله مع ابنك او بنتك. وما شاء الله بقى كوييس و تمام وحاجة رائعة خالص بتفرحي بنفسك و بتتعجب بيجهدك بيحبط عملك - 00:09:38

بنتتصوري ان انت لكي دور و بتقول الحمد لله كافحت. وصلت بتحذلي التعلق بالنتائج مضرة حتى لو كانت حلوة والتعلق بالنتائج مضرة لو وحشة يصيب المرأة بالاحباط ولذلك ازاي اشتغل على مفهوم ان انا بعمل ايه؟ انا بشتغل وبيتحسب لي. ما ليش دعوة - 00:09:58

الكلام ده راح فين يعني انت عاملة زي بالضبط ايه؟ اللي قاعدة هنا كده وراء الستارة ادي الستارة. بتعمل ايه؟ هي بتمل لهم زجاجات مایة زي كده تروح تمي زجاجات المایة وتسلم واحد برة. اللي برة ده احيانا يعمل ايه - 00:10:33

يدبها لواحد يستاهل واحيانا يكبها ويرميها. انا ما ليش دعوة يعني هي بتاخذ بتاخذ مرتبها على طلعت كم زجاجة من وراستاره ما لهاش دعوه. يا سلام بقى لو حطيتي ستاره وريحتي راسك - [00:10:52](#)

انت اللي معزبة نفسك بان انت كل شوية تفتحي ستاره وديت الازارة فين فين القارورة ما تديش قارورات لعيال صغيرين. انت ما لك؟ انت خليكي انت املي قوارير بس ما لكيش دعوه - [00:11:08](#)

لان انت موعودة على على مرتبك على القوانين اللي هتمليها بس ان عليك الا البلاغ. اتقالت للي احسن مني ومنك قال له ليس عليك هداهم يعني مش ما لكتش دعوه - [00:11:26](#)

لأه ما تحملش نفسك فوق طاقتها حتى ادرك النتائج اه بالضبط ده بعد تاني صحيح يعني اه ما تحملش نفسك فوق طاقتها ما تتدخلش في اللي ما لكتش فيه يعني انا ما ليش دعوه القارورة دي راحت فين - [00:11:45](#)

انا اديتها وكتبت عندي قارورة. صاحبها يوديها مطرح ما يوديها ما لكتش دعوه مرهقش نفسي بحاجة انا اصلا مش عارف عاقبها. انت ممكن ما تديش عيال صغيرين قوارير ما تديش عيال - [00:12:06](#)

تغيرين قوارير وممكن الواد الولد اللي هو خد القارورة ده راح مسلا كان في واحد اعمى برة هو راح ادها له سقاوه. لا انت ولا هو عرفت ان الاعمى ده سقي وغفر - [00:12:24](#)

بسقيا الاعمدة وما حدش عارف الجهد ده رايح فين والى اين يبلغ ولذلك المرء من اكثر ما يؤزبه يتعلق بالنتائج ولذلك حط ستاره وما تبصيس من ورا ستاره ولا تتدخل في اللي ما لكيش فيه - [00:12:38](#)

ده مش بتاعنا احنا اصلا ربنا بيقول كده ليس عليك هداهم ان عليك الا البلاغ ولا تسرب في حتى لو لقيتي نتائج وحشة لا تسرب في الانفعال العاطفي لا تسرب في الانفعال العاطفي - [00:13:01](#)

فلعلك باخر نفسك على اثارهم ان لم يؤمنوا بهذا الحديث اسفا تقتل نفسك هما وغما فلا تذهب نفسك عليهم حسناوات خلاص انت ما انت دورك بس ان انت تعملني تعملي تعملي اعمل - [00:13:19](#)

طول ما انت مستمرة في العمل ولذلك متى ينقطع الامل؟ اذا انقطع العمل طالما انت مستمرة في العمل يبقى في امل في امل يبقى هتتحل طالما في استمرار في العمل يبقى في امل يبقى في تجاوز للخلل. هيحصل - [00:13:38](#)

لانه وعد والذين جاهدوا فينا لنهدئنهم سبلنا وان الله لمع المحسنين خلصانة بس هو الانسان ايه؟ يعمل. انما هذا مراد الشيطان ان انت ممكن تعجبني تفرحي فتنقطعني بالنتائج تحبطي فتنقطعني - [00:14:00](#)

لأ ما نبصش على النتائج اصلا يا عم انت بتقول كلام وخلاص. انا على فكرة لو شفت النتائج بافرح وبتشجع وباعمل اكتر. هو انت احسن من سيدنا النبي ده ربنا قال له في اول بعثته قال له ولا تمن تستكثر - [00:14:22](#)

يعني لا تنظر لاعمالك على انها كثيرة فتنقطعها ولا تمن على الله باعمالك الكثيرة. دول المعنيين يعني الانسان احيانا لو رأى اعماله كثيرة ممكن يقطع يوقف اخد استراحة هو انتم بتاخذوا اجازات ليه - [00:14:44](#)

عشان عندكم تصور ان انت مجتهدين جامد جدا اه والله بجد ان هو الواحد لو عارف نفسه عارف انه مش مجتهد هيأجز ليه ما هو ده الطبيعي يعني لا لا لا ده انا لي مش عارف - [00:15:05](#)

عايز زي كده التقط انفاسي ما هو الانسان ما بي عملش كده الا لانه اصلا ايه؟ شايف نفسه عمل حاجة ايه انما بقى فكرة انا كنت بقول اصلا فكرة نسيان الحسنان - [00:15:28](#)

لان في قاعدة كده كنت بقولها لهم دايما حسناننا عوراتنا يعني انا حسناطي زي عوراتي عوراتنا دي بنسترهابنخبيها مش عايزين حد يشوفها عايزين نساها. وكذلك الحسنان والحسنة اللي تتنسى - [00:15:43](#)

دي انفع الحسنان لان اصلا مش لازم الانسان يعجب بها ولا يمن بها مشكلته انها بتدي له احساس بالرضا عن نفسه اصلا يعني انت لو اصلا عاملة تحoshi تحoshi وما بتتعديش الفلوس. وانت مسلا عايزه تحoshi مسلا خمس تلاف درهم. ماشي - [00:15:59](#)

فايه بتحoshi بتحoshi كل شوية انت متخيلا ان ما كملتيش الايه؟ فعاملة تجمعي اجتماعي اجتماعي اجتماعي انما مسلا لو جيتني

عدتىهم فى مرة ايه ده اربع تلاف باقى لي الف بس ؟ طب ده لسة بقى عشرين يوم - 00:16:20

اللاف دول اللي باقيين على عشرين يوم هانا لو كل يوم جبت لي عشرين درهم وانا ممكن اجيبيهم خلاص. خمسين درهم اجيبيهم خلاص كده خلاص انما لو كت شغال علي نفس الوتيرة الاولى كتيجي تفتحيمهم تلاقتهم عشر تلاف درهم - 00:16:37

انت في عشر تيام جبت اربع تلاف درهم هو كده احنا في العمل مع الله كده بنشتغل وايه اشتغل وارمي وارمي وارمي ما لكش دعوة ما ترکزش في اانا شغالة - 00:16:52

الولد بعمل معه كزا والبنت بي عمل كزا ويلا وفيه درس وكزا وكمان نعمل كزا والحسنة من هنا وعمالين نجمع نجم واحنا مش ايه - 00:17:05

مش مركزين اصلا فوالله الكلام ده راح فين عمل ايه ما عملش ايه ودا ايه ما وداش ايه خالص المنطق اللي هم كانوا عايشين عليه
يبي، هو ايه يعني، اه انا مرة خوخ، كده بتهرج مع، تقول له، ايه - 00:17:13

اه يا ابني انت كل شوية بقى رايح الدروس ومش الدروس ومش عارف ايه. بابا انت لسة طالع مش عارف في الاعتكاف قلت لها يا خو خة يمك: اانا الكلمة الله هتنجبيه. لسه ما قلتهاهاش.. قالـت لـ، يا ابا طب ما تقولها وتخلص - 00:17:29

طلع ما انا مش عارفها. انا لو عارفها والله كنت اقعد اقول فيها من النهاردة ليكراة اللهم المستعان. فهبي ازاي فكرة ان انت ايه انت
تتشتغا. وما انتاش. عارف الالاه؟ ما حديش. عارف الله. هنبحنه ايه - 00:17:46

حضره فلذک احنا لو بصينا الامر من زاوية اخري لعله من الخير للانسان ان هو يكون في ايه - 00:18:01

ليه؟ لانه هي عمل هي عمل ممكن يبقى انا عندي ولد كويسي اقول لا الحمد لله انا واسق في ابني ابني كويسي فاهمله فارضيه مواصل المشكلة جت من كده او المشاكل بتيجي من كده - 00:18:21

من الثقة المفترضة يعني ايه المانع يعني ؟ عادي طب ما انا واثق فيه وايه المانع برضه اني اكون مركز وصحي معه ايه المشكلة يعني
هو لازم يعني انا واثق فيه يبقى خلاص انا مطالب ان انا اركز معه - 00:18:39

کنت فین يا حبیبی کنت يا ماما مش عارف ايه کزا کزا طب انت اما کنت في المكان الفلاني اخرت اوی کده ليه آلا اصل هو
اه تبدیل انت کده کلامک مش صدق - 00:18:54

يعني مين قال يعني ان هو الثقة تعني الالهام والترك او في مرحلة تحتاج حد يتابعه مش لازم مراقبة بقى ومش عارف ايه دايما نقول حدود ضابطة مش حدود ضاغطة. حدود ضابطة مش حدود ضابطة - 00:19:09

طيب فالهم يعني لو احنا هنبعض بشكل موضوعي شوية للامر الذي نريد ان نصل اليه حتى لو كنا في حالة اللي هي زورو بيرسنت دي
صفر. لو كان وجود صفر - 00:19:24

فبرضو لعل ده احسن من اللي عندها تلاتين في المية ما عادي انت هتشتغلني وان شاء الله في ميزان حسناتك كله لأن ما حدش عارف ممكن انسان يخش الجنة بحاجة ايه - 00:19:38

ما تخشى بصلاتك ولا صيامك ولا كذا وتحشى بحاجة تانية المهم موجود بأكذب على انه بيعتاج تحليل عميق وتوصيف دقيق
ماشي، يعني، بلاش، النظرة السطحية مسلا اينك ما بتصليش، ليه؟ كسووا، كسووا، شوية هو كسووا، شوية اانا عارفاه - 00:19:51

لأ هو كويس وممتاز بس كسوول لا مش كسوق طب هو طب ليه بينزل يلعب طول اليوم؟ وليه تلاقيه بيصحى من النوم الصبح يعمل ويهدي. ومثـ. عارف ايه مشـ. كسوـ. 00:20:17

انت اللي محللة الزاهرة تحليل ايه ؟ سطحي جداً هو مسلا مش مدرك قيمة الصلاة مش عارف ربنا كوييس ونفسه يقف بين ايديه ما عندهش دافعية قوية انا هه يصل - 00:20:31

” إنما انت بتحللي الامر بشكل ايه سطحي جدا. هي البنوة ليه مش مش راضية تلبس الحجاب كده ؟ ده عندها اتناشر سنة. تتدرب حت عل الحجاب لأنها مش كده بعن يس هـ عادي عشا: لسة صفة يس لسه صفة 00:48:20 -

يا بس اول ما تشووف كده ان شاء الله ما اول ما يجي وقت الحجاب يلا يا حبيبتي البس الحجاب هتلبس الحجاب عادي ما فيش مشاكل خالص تلك التحليلات السطحية - 00:21:03

السازجة هي اللي بتتوقعنا في المشاكل اصلا فلذلك لابد ان يحلل الواقع بشكل ايه عميق الظاهرة وما وراء الظاهرة. ونتأكد ان تحليلنا صحي ولابد ان يكون هناك توصيف دقيق للواقع - 00:21:15

ايه بالضبط لأ المشكلة بالضبط ان احنا رينا مش حاضر في حياتنا كما ينبغي ده دي المشكلة بالضبط ده مكمن الداء بيقى فيه تحليل عميق وتوصيف دقيق لأ هو انا - 00:21:37

يعني كانت اخت فاضلة كده بتتناقض معி مسلا في بنوتها بتقول لي كزا كزا ومش عارف ايه وبنوتك وبنوتها كويسة يعني بتقول لي بس مش عارف بقت مالها ومش عارف مش حابة الحجاب ومش حابة الصلاة - 00:21:58

طب هي اسرتها كويسة بتقول لي ما انا مش عارفة اتغيرت قلت لها ما احنا لازم نفكري ليه اتغيرت نقدر نفتش وراها في منين جت منين القصة دي ؟ ابوها كوييس. امها كويسة. جدتها كويسة. جدها كوييس. البيئة دي كلها بيئه - 00:22:11

بالطاعة وحجاب منين ؟ طب هي بتروح المدرسة بتقول لك انا مش مصاحبة حد لا اكيد مصاحبة حد طب مصاحبة منين ؟ طب فين ؟ طب ايه هتكلتش في الاخير انها - 00:22:28

يعني انا خديجة آآ لما كانت بتروح اعتقاد تالتة ابتدائي كده او رابعة ابتدائي تالتة ابتدائي فالحمد لله احنا كنا بنديها على الحجاب وهي حابة الحجاب يعني فهي كانت بتلبسه - 00:22:41

لفترة كده لقيتها ايه قلت له يا بابا هو اصلا يعني هو انا كده كده الحجاب مش فرض علي ؟ قلت لها هو انا مش ملبسه لك على انه فرد اصلا ؟ انت عارفة انت لابساه بمزاجي - 00:22:56

قلت له اه يا بابا. قلت لها احنا بنتدرب عليك يا طه. بنتعود عليها. لأن لأن لازم مرحلة تعويذ الانسان بياكلف الحال يعني مسلا اللي متعددة ان عمرها ما حط حاجة على راسها والجو حر وبتاع والكلام من ده في الصيف. بتبقى برضه مش ايه ؟ هو فيه عادي هو البشر كده - 00:23:11

ويحتاجوا تعويذ التعويض ده مطلوب والتعويض ده انا قلت قبل كده رينا ما بيطالبنا نحب الطاعة ونشعشقها رينا بيطالبنا نحب نطبيه واضح عادي رينا بيقول كتب عليكم القتال وهو كره لكم - 00:23:29

عادي يعني مش لازم اكون انا ايه مضائقاني او اي. ما بتحبس الحجاب عادي هي مش مش لازم تكون بتاييه ؟ بس بتحب تطيع رينا. فلاباساه انا يا رب تقيل علي بس لابساه عشان ايه بحب اطييعك - 00:23:50

ولما تحب تطيعه يهون عليها الامر وتحب طاعته ولذلك في المرحلة الاولى احنا ما بيقياش همنا ايه ؟ ان يحبوا الطاعة همنا انهم يحبوا يطيعوا ربنا. يحبوا ربنا فيطيعوه. فلما يحبوه فيطيعوه يحب لهم الطاعة - 00:24:07

عشان كده ما نقدرمش ثلاقيها مش حابة الحجاب مش حباب الصلاة وخلينا قاعدين مستنيين تحبوا بقى وما تحبوش نخش من زاوية مش بتحب ربنا تحب تطعيه بتحب بابا صح ؟ طب لو بابا بيقول لك انا هبقى متضايق او اي او اي او لقيتك مش لابسة اللبس الفلانى - 00:24:27

تحببي تدايقى بابا ؟ ما يعزم عليكي تضايقى بابا رينا احسن من بابا واعز من بابا واهم من بابا وبيحبك اكتر من بابا واحسن لك اكتر من بابا انما مش لازم تحب الحجاب - 00:24:46

لانه طب يعني انها مش هتحبها احنا ما بتطالبها بايه بابا احنا نحب الطاعة ابتداء بتطالب بحب من سنتبيه انا بعملها حبا في الله لذلك لما نبص على الظاهرة جت من الزاوية دي الامور خلاص هتنضبط فبتقول لي قلت لها يا حبيبتي ما طب احنا بنتعود بس - 00:25:01

متعددة على الحجاب هو بصي انا لو مكانك انا طبعا هستنزل ان انا احط على راسي حاجة في الحرده وده برضو نقطة لازم نحسسهم ان احنا ايه مقدرين اللي هم فيه - 00:25:28

بطلي هيافة وتفاهة ومش عارف ايه. اصل هو لو مش عادي نقدر بصي يا حبيبتي انا عارفة ان انت الله يكون في عونك اصلا
صاحباتك اغلبهم مش محجبات وممکن يقعدوا يهرجوا عليك يعني فترة كده جت كلمتنی في ايه - 00:25:42
يا بابا طب هو انا ليه كده ابقي کاني غريبة وبيقعدوا يهرجوا عليا ويُسخروا مني صحباتي ومش عارفة في المدرسة او اللي معنی في
الفصل قلت لها يا حبيبتي عادي ايه المشكلة - 00:25:59
ما هو انت لو شاطرة وممتازة جدا واکتر واحدة بتزاکری مش هيقدعوا يهرجوا عليك ويقولوا اه البت اللي مش عارف ايه البت اللي
مش عارف ايه عشان غيراني منك ما هو ده طبیعی - 00:26:12
هتقول لي لا يا بابا انا عايز ابقي فاشلة بقى عشان صحباتي ما يهرجوش على انت اخترت طريق الجنة انت اخترت انك تبقى متميزة
اخترت انك ما تبقيش عاديّة تبقى سوبر نورمال - 00:26:28
طبعی ان انت تحصل كده انت مفتکرة ان انت لوحده؟ طب هقول لك ده سیدنا نوح حصل معه وفلان حصل معه وفلان حصل معه
الحمد لله انهت ففكرة اشعارهم بان احنا حاسين بهم - 00:26:41
حاسين بالمعاناة اللي هم بيقابلوها مقدرين التحدی اللي هم فيه. بس انت ما شاء الله عليك ممتازة وبيعجبني فيك ان انت لما بتحببی
تعملی حاجة بتعملیها ومش مش اي واحدة تجييك وتوديكي كده بالكلام وخلاص ولک شخصیة قویة - 00:26:57
المشكلة ان احنا نتكلم كده ايه المشكلة ان دي بتبقى الطريقة؟ المهم يعني تقول له يا بابا ومش عارف ايه وانا يعني مش قلت له يا
حبيبتي اه مش ما قلناش ان انا ما قلتلكيش انه فرض - 00:27:16
عليك دلوقت بس انا مطالب عند رينا اني اعودك على الفرائض فانت تحببی ان بابا يلام عند رينا لا يا بابا الاعلام ما تقولهاش عند رينا
وانـت لما تكبرـي هـتـعرـفـي ان اـنا اـحسـنـتـ اليـكـ - 00:27:29
لان انت هـتلـاقـي نـفـسـكـ الحـجـابـ عـلـيـكـ سـهـلـ وـحـابـاهـ وـبـفـضـلـ اللهـ اللـهـمـ لكـ الحـمـدـ بـعـدـ كـدـهـ ماـ بـقـيـناـشـ بـنـتـكـلـمـ فـيـ قـصـةـ الـاـيـهـ؟ـ الحـجـابـ دـيـ
خلاصـ ماـ الفـتـهـ يـعـنـيـ فـخـلاـصـ وـالـلـهـ مـشـ بـقـوـلـ بـقـىـ اـصـلـ اـنـاـ شـاطـرـ وـاـنـاـ زـكـيـ وـاـصـلـ اـنـاـ اللـيـ مـشـ عـارـفـ وـجـبـتـ الدـبـبـ مـنـ دـوـلـ
والـحـوارـاتـ دـيـ.ـ اـنـاـ بـسـ بـقـوـلـ اـنـاـ لـمـ نـطـبـقـ اللـيـ رـبـنـاـ اـمـرـ بـهـ - 00:27:48
ما بنخسرش حاجة حصلت على عكس المتوقع بقى احنا عندنا حاجة غلط ويبقى في الاخير انها محض فضل وامتنان من الله قلت
لكم قبل كده انا شخصيا ما بحبش الصورة بقى اللي هو بـتـاعـ المستشار التربوي اللي بيـقـعـدـ الليـ هوـ عـارـفـ كلـ حاجـةـ فيـ كلـ حاجـةـ.
وانـتـ اـحـناـ كـلـنـاـ كـلـنـاـ - 00:28:10
على بـابـ الـمـلـكـ لـوـلـاـ اللـهـ مـاـ اـهـتـدـيـنـاـ وـلـاـ تـصـدـقـنـاـ وـلـاـ صـلـيـنـاـ حـنـاـ مـاـ حـنـاـ مـفـتـقـرـيـنـ لـعـونـهـ سـبـحـانـهـ وـبـحـمـدـهـ وـهـوـ الـكـرـيمـ الـلـيـ بـيـثـبـتـ
وـبـيـعـصـمـ وـبـيـكـرمـ.ـ اـحـناـ فـيـ النـهـاـيـةـ بـنـاخـدـ بـالـاسـبـابـ بـسـ مـنـ بـابـ - 00:28:30
فـاذـكـرـواـ الـلـهـ اـنـ اـحـناـ فـعـلـاـ اـنـ عـاـيـزـ اـقـولـ اـنـ لـمـ نـطـبـقـ مـاـ اـمـرـ اللـهـ بـهـ لـاـ يـفـضـيـ بـنـاـ الـىـ خـبـرـ طـبـ خـلاـصـ طـبـقـنـاـهـ وـالـبـنـتـ ماـ اـسـتـجـبـتـشـ
خـيرـ بـرـضـوـ - 00:28:47
احـناـ خـلاـصـ ماـ لـنـاـشـ دـعـوـةـ اـحـناـ كـنـاـ عـاـمـلـيـنـ رسـالـةـ فـجـرـ مـرـةـ اـعـتـقـدـ انـ هـمـ رـفـعـوـهـ عـلـىـ القـنـاـةـ آـآـ عـنـ قـوـلـ اللـهـ سـبـحـانـهـ وـبـحـمـدـهـ تـلـكـ اـمـةـ
قدـ خـلـتـ لـهـ ماـ كـسـبـتـ وـلـكـ ماـ كـسـبـتـ وـلـاـ تـسـأـلـوـنـ عـنـ مـاـ كـانـوـاـ يـعـمـلـوـنـ - 00:29:03
وـكـانـتـ رسـالـةـ فـجـرـ تـانـيـةـ عنـ اـهـ عـلـيـکـ اـنـ فـسـكـمـ لـاـ يـضـرـکـمـ منـ ضـلـ اـذـاـ اـهـتـدـيـمـ آـآـ مـمـکـنـ تـبـقـواـ يـعـنـيـ تـرـاجـعـوـهـ اوـ مـمـکـنـ الـاخـوـاتـ يـبـقـواـ
يـحاـولـوـاـ يـطـلـعـوـاـ لـكـ رـصـيـتـيـنـ فـجـأـةـ تـسـمـعـوـهـمـ.ـ هـيـفـيـدـوـکـمـ جـداـ فـيـ المـسـأـلـةـ دـيـ - 00:29:18
فـآـ دـوـلـ بـسـ بـيـوـصـلـوـاـ لـيـ حدـودـ الحـرـكةـ بـتـاعـتـيـ اـنـ اـيـهـ يـعـنـيـ اـنـاـ بـرـضـوـ الحـدـودـ اـيـهـ بـالـنـسـبـةـ لـاـبـنـيـ لـبـنـتـيـ اـنـاـ كـرـجلـ لـمـرـاتـيـ كـسـتـ
لـزـوجـهـ حـدـودـ اـيـهـ يـعـنـيـ بـيـعـرـفـيـ الحـدـودـ اـنـاـ هـاسـأـلـ عـنـ اـيـهـ وـمـاـ اـسـأـلـشـ عـنـ اـيـهـ وـالـكـلـامـ دـهـ رـبـنـاـ بـيـقـولـ لـيـ اـيـهـ بـالـضـبـطـ الحـدـودـ يـعـنـيـ
الـنـقـطـةـ الـاـسـاسـيـةـ دـلـوقـتـيـ فـيـ مـسـأـلـةـ الـمـوـجـودـ تـحلـيلـهـ - 00:29:35
وـالـتـحـلـيلـ عـاـيـزـيـنـ تـحـلـيلـ عـمـيقـ وـعـاـيـزـيـنـ تـوـصـيفـ دـقـيقـ.ـ اـنـاـ مـاـ عـرـفـتـشـ اـحـلـ المـوـضـوـعـ بـشـكـلـ عـمـيقـ اـسـتـعـيـنـ بـحـدـ عـادـيـ اـخـدـ رـأـيـ
وـاحـدةـ صـاحـبـتـيـ قـلـ لـهـ بـقـوـلـ لـكـ اـيـهـ مـشـ عـارـفـ كـزاـ كـزاـ كـزاـ مـتـخـيـلـةـ مـمـکـنـ يـكـونـ مـنـ اـيـهـ - 00:30:07

انا مش عارف عندي ابني كده بقى بيعمل حاجات غريبة شوية بيعمل كذا كذا كذا كذا هو ممكن يكون كذا يقول لك لا لا لو
ممكن يكون كذا مهم لان - 00:30:24

يعني التوصيف الدقيق ده نصف طريق الحل بل اصلا في مشكلات بتخلص بمعرفة سببها كده خلصنا خلاص انتهت هو بيسرق
ليه؟ انتقام متضايق مني فمش عارف يضايقني ازاي فيبيسرق حاجات مهمة ويرميها يكسرها يعمل فيها اي حاجة - 00:30:36
فلو انا عرفت لو بدأت احلل الزاهرة وعرفت ان هو متضايق مني وزعلان وكلام من ده كله اقول له طب انا اسف ومعلش انا ما كانش
قصدي انت اللي فاهم الموقف غلط هتخلاص المشكلة - 00:31:05

ان يصل سرقة انتقامية مش سرقة للسائق ان انا مسلا لو بصيت للموضوع بشكل سطحي هو بيسرق ليه عيل طماع. طب
اما هو طماع بياخد الحاجة اللي بيسرقها بيفسدها ليه - 00:31:16

ولو طماع هيقتنيها بقى لا ما بيقتنيهاش بتلاقيها متكسرة في البيت ولا بتلاقي الفلوس متقطعة كده ومرمية في الزباله ليه هو لو
طماع هيعمل كده ليه هو ده اللي اقصده الفارق بين التحليل الساذج السطحي - 00:31:35

والتحليل العميق احنا بنقف فيها على المشكلة بالضبط وتوصيف دقيق لها. خلاص التحليل ده مش بس متعلق بالمشكلة وسببها
والقصة دي. التحليل ده فيرأيي لابد انه يتضمن آآ الحاجات الايجابية وال حاجات السلبية لو صح التعبير - 00:31:54

يعني يتضمن معرفة الخلق اللي هو رزقه الحاجة الجميلة اللي فيه الحاجات الحلوة اللي عنده الاشياء الطيبة اللي ربنا وهبه اياها
ليتطلب ده يعني ممكن اصلا من خلال العزف على وتر الموهبة زاته نعمل قناة اتصال كبيرة بينا وبينهم - 00:32:13

يعني مسلا بنتوتة بتحب قوي قوي تعمل اشغال يدوية تقول لها ايه رأيك؟ انا عندي فكرة جميلة قوي انا هجيب لك حاجات من دي
على حسابي وانت تعملني منها وممكن نبقى في مكان بيعمله وفي معرض للاعمال اليدوية ممكن نرفعها له - 00:32:37

طب هاقول لك على فكرة اجمل. ايه رأيك نجمع منهم شوية تعليمهم ونروح مع بعض انا وانت زيارة لدار لدار الايتام كده ونوزعهم
على دار الايتام هناك هتبقي حاجة هايلة - 00:32:53

احنا يعني خدنا كان الابروتش بتاعنا من خلال الموهبة اللي حاضرة عندها الحاجة اللي هي بتحبها ولذلك برضه التحليل ده بيتضمن
اللي بيقولوا عليه نقاط القوة مش عارف ايه والكلام ده الناس بتوع بس الشاهد هو الحاجات اللي احنا هنقول عليه في الشريعة -
00:33:03

الاخلاق التي امتن الله بها يعني بها عليها. تعرفيها. لانها اصلا ه تكون محور اهتمام يعني لما تحببي تتكلمي معها تحب تتكلم في
المنطقة دي ولما تحب تعملني قناة اتصال بينك وبينها تحب قوي في المنطقة دي - 00:33:21

ولذلك بابي وامي صلى الله عليه وسلم بنجد ان حواراته مع الناس كانت في محاور اهتمامهم يعني عارف فلان ده بيحب حاجة
فيقعد يكلمه في الايه ؟ في الحاجة اللي هو بيحبها - 00:33:39

لان هو يبقى مبسوط ان حد مقدر الحاجة اللي هي محور اهتمامه فيقعد يكلمه فيها يكفي يا ابا عمير ما فعل النغير عارف انه مشغول
بالنغر ده جدا فيبيتكلموا في محور اهتمامه - 00:33:53

وعارف ان هو لو قعد يكلمه في اي حاجة تاني مش هيتكلم ده لسة صفنون انما لو جاب سيرة النغر هيتكلم معه ففكرة ان انا اشوف
الحاجة اللي هي محور اهتمامه وانا اقدر من خالها ان انا اصل اليه. تمام - 00:34:11

طب بالمناسبة برضه الموقف بتاع ابي عميرة ما فعل انه غير ده احنا طبعا بنتعتبره دايما بنقول النبي بيداعبه يعني لأ ده هو كان
بيداعبه قبل كده انما المرة دي كان بيواسيه - 00:34:26

لان هو النغر بتاعه مات والنبي وهو داخل عرف ان النغر مات فقال يا ابا عمير ما فعل النغير ايه اللي حصل له ففرح الطفل بهذا
الانفعال الوجданى من النبي معها - 00:34:39

باب امي صلى الله عليه وسلم خلاص؟ محور اهتمامه محور انفعاله الوجدانى انما مسلا مش تيجي تقول لك يا ماما متضايقه ما لك؟
ما لك؟ في ايه؟ ما اعرفش بتاع هيبوز بقى - 00:34:55

فقلت اجيبي لي العيال حاجة مختلفة يعني. فواحد صاحبي وصاني قال لي ايه؟ نروح عند راجل بتاع عصافير نجيب لهم وايه انا عندي خديجة وعائشة وعبد الملك ومحمد فقلت لهم ده ده للولاد ودي للبنات. يعني ده بتاعكم انتم الاتنين وده بتاعكم انتم الاتنين. وما حدش، هياخدده بس، كلا، واحد عارف العصفور بتاعه فين. ما هو كلا، واحد - 00:35:25

لما تلقى شاكر لقبت زوجته بـ“قول لي، كلام آآآ”
اشبه شيء بالطائير ولذلك لما تحبوا هدايا الولاد هاتوا طيور هم يحبون يحب الطائر لأنه شبهه المهم يعني بعدها بيومين الواحد برضو بيعاشه تجارب مع اولاده لأن أنا كنت بقول في في السيكولوجى بترك سيكولوجي ان - 00:35:49
لما تلقى شاكر لقبت زوجته بـ“قول لي، كلام آآآ”
لما تلقى شاكر لقبت زوجته بـ“قول لي، كلام آآآ”

اه مش عارف منهارين خديجة بتعيط عبدالمليك بيعطي ومش عارف مين بيعطي منهارين هار جامد ايه اللي حصل بس الحمد لله
امكن بتكلمني ما فييش حاجة. يعني ايه اللي حصل؟ ايه ايه اللي حصل؟ ايه لده كله؟ في حد حصل له حاجة؟ مش عارف ايه؟
العصفور مات - 00:36:28

طبعاً بقى افتكرت يا ابا عمير ما فعل الايه؟ ومعلش ومش عارف وايه وبتاع ودي حاجة تزعل زعلتوني ومش عارف ايه ونبي
عصفور تاني وكده. بس اه هم كانوا منهارين جداً لما شافوه انا ما تخيلتش اصلاً ان هم يبقوا منهارين كده - 00:36:47
وده لسه له تلات ايام يعني لسه ما اتصاحبوش عليه حتى فسبحان الله بابي وامي صلى الله عليه وسلم فكرة ايه؟ الانفعال مشاركته
في حاجة محور ايه؟ يعني هم متصلين بها مخصوص في وسط الشغل وموقفيني عشان يقولوا لي الايه - 00:37:05
العصفور مات واحدنا منهارين انا انا والله لولا افتكرت الموقف بتاع الرسول انا كده تبقى ليتهم بيضا. اه والله ودي بركة دي بركة العلم
والله دى دى نعمة من الله بركة الوحي - 00:37:19

فعلى طول الموقف ايه انقرزني انما انا لو على الوضع العادي يعني انت متصلين بي وعماليين ده ياخذ ويعطي وده
يأخذ ويعطي كفاية الخر كفاية يعني القلق بس لوحده - 00:37:37

بس سبحانه الله يعني تقولوا انتم الخلعة. هتقولوا خلعتيني. صح؟ اهو الخرعة. في مصر بالراء مش بالله زي النهج احنا بنقول في مصر لما واحد بيجرى ونفسه بها بيقول بينهج - 00:37:49

النهاية اه فهي طاعت فصحى. مم. ان شاء الله. الله المستعان طيب الشاهد يعني اللي اقصده في حنة الزواهر هي محتاجة هذا التحليل العميق ومحتاجة توصيف دقيق علشان خاطر نقف على - 00:38:13

مشاكل. طيب دي النقطة الاولى. النقطة الثانية. ماشي محتاجين ان احنا نقف على نقاط القوة المواهب اللي عندهم الحاجات اللي يحبوها الحجاجات الجميلة اللي فيهم. ما هو اكيد يعني انت مش يعني الله ببارك لكم. اخلعوا النضارة السوداء - 00:38:35

فدي تخلع العشر نضارات السود اللي هي لابساهم وتركتهم على جنب. لأن فيه ما فييش حد ما فيهوش حاجة كويسة - 00:38:56

واصيلة وكده. بس خلاص فعلا احيانا احنا ما نبقاش شايفين الحاجات الكويسة في اللي احنا عايشين معها - 00:39:23

[الحلوة للي حوالينا لان المشكلة الانسان لما بيبيقى متضايق ما بيفتكرش اي حاجة حلوة - 00:39:46](#)

مؤمنة آآ عمال ادور له على حاجة حلوة مش لاقية له خالص - 00:40:04

ولذلك ولذلك انت مسلا لو انت مسلا متضايقة من زوجك - 00:40:17

ورحت قعدت مع اخت صالحة كده. قلت لها والله انا متضايقة ومتش عارف وهو بيعمل ويبيعمل. هي اصلا بترضيك ازاي تقول لك لأبس بصراحة لأن يعني هو بيحبك - 00:40:33

وبعدين انت ناسية عمل كذا كذا وتلاقى نفسك في بيتي ليه انت ما كنتش عايزه اكتر ان حد يفكرك بالاليه لان الحياة ماشية كده على التغاضي اصلا والانسان عنده قدرة انه يمسح الحاجات الوحشة بال حاجات الحلوة - 00:40:46

ولذلك بالنسبة لولادنا ايه المشكلة ان احنا يبقى احنا زي ما قلت كده في المرحلة بتاعة التعريف دي بنسجل الحاجات الجميلة اللي فيهم وبذركتها على جنب وبنجيجي وقت كده نقدر نفكر فيها في كيفية استثمارها - 00:41:03

لان اوقات واحنا زعلانيين ممكن هذا يعني كنت لسه بكلمه امبارح عن حاجات تخص النساء كده في توصيفها يعني ان اصلا مشكلة كمان اصلا ان الانفعال العاطفي الزائد انه بيعمل نسيان عقلي حقيقي - 00:41:17

وده تفسير ناقصات عقل في النساء مش الناقصات زكاء ولا هي سفيهه بانفعالها العاطفي الزائد بيخليها تنسى فعلا ولذلك ان تضل احداهما فتنذكر احداهما الایه؟ الاخرى مش ناقصات عقل يعني متخلفة ولا جهل ولا عقلها ناقص والحوارات دي خالص - 00:41:34

ان هي اصلا العاطفة عندها عالية وده مطلوب عشان تقوم ب مهمتها بس احيانا الانفعال العاطفي الزائد بيعمل لها ايه نسيان فهذا النسيان يطغى على المعلومة العقلية حتى وفعلا تنسى الاحداث ده ممكن تخترع احداث تانية - 00:41:59

فمش قاصدة المهم يعني فلو سمحتم تخلعوا النضارة السودا وانتم بتدوروا على الحاجات الجميلة اللي فيهم. فلازم نقف على نقاط القوة. ونقف على نقاط الضعف يعني لازم نشووف اه انا بس مشكلة بنتي دي انها مش صبوره - 00:42:18

بعصينا عشان هو ان هي صغيرة مدلعاها. انا ما عودتهاش اتحمل المسؤلية. خالص ما تتحملش مسؤلية اي حاجة فانت خلاص بقىتي عارفة ان دي نقطة الضعف فدي هتبقى في المجاهدة صعبة - 00:42:38

يعني اما تقوم تجاهد وتصلي ده هي اصلا لو قلت لها مش عارف هاتي كوبایة ماية من المطبخ يوه يا ماما لسه هروح معلش يا حبيبتي. خدي طيارة من على راس الاوضة بتاعتكم. رحي جراشي في المطار بتاع - 00:42:52

المطبخ وبعدين ايه اركبي وتعالى تاني. يعني فعلا خلاص هي لان ده تكوين يعني برضو بيحصل مسلا مع الولاد مسلا في تحميده المسؤلية يعني مثلا الولد مسلا عنده ست سنين - 00:43:10

ماما ماما اربطي لي الجزمة. ليه يا حببى مشلول يعني انا مسلا ايه اه عبدالملك بابا الجزمة كان مش عارف عمره اربع سنين ونص. قلت له حاول فيه ايه يا حببى - 00:43:27

مش عارف يا بابا زق رجلك لقدم واعمل لورا وهات كده وحط صابعك وشد لورا هاتفها لازم يتعود هو اللي يعمل حاجة بایه بنفسه. ماما ماما تربطي له الجزمة وتعلمي له الحزام وتسريحي له شعره. هو بيعمل ايه بقى في حياته - 00:43:39

وانتم متتصورة ان ده بقى من باب بره وانت بتتصنعي انسان معاق ما يعرفش يعيش من غيرك اه لازم هو يتعود ان هو ايه هو بنفسه يعمل حاجاته اندر سوبر فيجن - 00:43:58

طب جرب كده اه شدها يلا بابا مش عارف اخلع كذا رجع ايدك لورا وشد يلا وحط كذا يلا سرحى كده لأن حطي المشط هاتيه هنا يلا سرحى شعرك بنفسك - 00:44:17

عودناهمش انهم ان هما ايه عودناهم ان هما ايه ميعلموش لأنني دخلتي السوبر ماركت علميها انت ماشية جمبها هاتي هاتي كيلو الرز ده. جابت كيلو الرز يلا انت ادفعي حاسبى - 00:44:29

عدي الفلوس كده شف احنا صح ولا غلط؟ صح تمام يلا بنا يعني كل حاجة انت مش عايشة لها العمر كله يا دوب هناك بقى بنكتشف ان احنا مسلا ايه - 00:44:45

وفي الاخر للأسف الشديد مسلا الكلام ده بيحصل مع البنات بزيادة قوي تقول لك اصلها بتقرأ بتدرس يعني وتبقى فرحانة بقى انا طلعت بنتي مهندسة ولا دكتورة وتروح البيت جوزها اللي هييشيل على دماغه. يقعد يقول منك الله يا حماتي - 00:44:58

يعني هي مش ما ينفعش تكون امرأة يعني برضه دكتورة وكل حاجة ايه المانع يعني؟ ما ينفعش ان الولد ده يتتحمل المسئولية انزل
هات البقالة اهي وتفقيله من الشباك انزل هاته تعال - 00:45:22

ينزل يجيب ويشتري ويطلع يعني كله اندر سوبر فيجن بس ايه لازم يتبعود انه يتتحمل المسئولية فلازم تبقي عارفة نقاط الضعف اللي
حاضرة عنده مشاكله ايه نفسه قصير ما والمشكلة التكاد تكون حاضرة في اغلب الاجيال الحالية - 00:45:36

لا مجاهدة لا مكافحة العيش السهل دايما يختاروا الاختيار الایه؟ الاسهل ليه؟ عشان ما بيتعبوش خالص ولذلك لما بنحب منهم اوقات
يعملوا حاجة كويستة ما بيعملوش اي حاجة فيها مجاهدة فيها مكبدة ما بيعملوهاش - 00:45:58

فكرة المسئولية عن افعاله تعود كده مسئولية عن اخطاء هو عامل كذا فكسرها طيب نخش بقى المطبخ يلا هات البتاع المقتش ما
اعرفش تقولها ايه انت وايه المقتش دي لسه يلا ونضف بنفسك - 00:46:22

مش هاعرف يا مولانا نصف حبيبي. هتعرف ان شاء الله طب آآ الكزا يلا هات الحنة دي هات دي يلا يتبعود ان هو يصلح اخطاؤه
بنفسه بعد وقت هو اللي يرتب اوضته - 00:46:41

يلا انت اللي ترب حاجاتك رب لبسك ورتب حاجاتك هو نفسه لما يبدأ يتبعود ان هو اللي بيرتب لبسه بنفسه مش هيبهدله انما هو
بيبهدل اللبس وبيعمل ومش عارف وبياكل وبيرمي ليه - 00:46:58

ما هو كده اصلا ماما الخدامة اللي بابا شاربها دي هتيجي تروق البيت ولا هتروق الاوضة لأ هو يتبعود انه مسئول عن ايه لأ بصي
يا ماما انا عاجباني الاوضة كده مش نضيفة بس مش عجباني انا - 00:47:16

يعني انت عاجباك بس انا مش عجباني في البيت كده يلا لما تكبر هتدعي لي. هتقول ربنا يبارك فيك يا امي. انت طلعتيني انسان
مسئول برضو على طول الخط لازم نعلى القراراتنا - 00:47:33

عشان ما يحسوش ان هو برضو ايه؟ اضطهاد فده مسلا جزء من المشاغل. مشكلة سارية لأن احنا بنعمل كده. عودناهم على ان هم لو
مشي مسلا عشرة متر اه كتير او ياما. لأ - 00:47:49

امشي انا مسلا استغرب يبقى ولد مش عارف آآ تلات سنين ماما ماما شيليني. شيلك ايه؟ امشي جنبي. امشي. آآ مشلولي. يلا صحيح
هو عشان يتبعود ايه لابد انه يعتاد انه مسئول عن نفسه - 00:48:03

مسئول عن حاجته ولذلك برضه المشكلة ان احنا في اوقات بنلغي شخصياتهم مش بس بندلهم ده احنا بنلغي شخصيته طيب اه
عايزين نجيب تيشرت حمودي. ايوة نجيب التيشيرت الاصفر ده. ايوة الاصفر في اسود ده. ماما مش عاجبني انا عايز اللي جنبه.
هنجيب - 00:48:22

بالاصفر في اسود ده ماشي يا ماما حتى شخصيته ايه؟ تتنلغي ان هو حتى ما بيختارش اللي هو انما عارفة اكتر منك ده هيبقى شيك
قوي عليك عادي هو برضو زي ما هو بي Shirley مسئولية افعاله - 00:48:43

بيحمل من سوء تفافله لازم برضو يكون مسئول عن اختياراته له اختيارات طالما في الاطار ايه؟ منضبط عادي هو عاجبه اللون
البرتقاني ما ياخد البرتقان. ما فيش مشكلة. يعني احنا في لازم برضو يبقى آآ انت اختار - 00:49:02

هتلعب انهي لعبة عايز ايه يبقى هو المعتاد برضو ان له شخصية. طب عايزها ليه ده نوع تاني من التربية. تربيتها على ان اختياراته
تبقى بالعقل مش بالهوى طب ليه؟ عاجبني شكلها يا ماما. ما هو مش عاجبакم خلاص دي لعبة يا حبيبي. ليه انت جايها - 00:49:20
يعني انت انت عارف هي بتعلم ايه ؟ قل لأ مش عارف اصلا هي بتتلعب ازاي. هتشتري حاجة انت مش عارف بتتلعب ازاي لأ ما احنا
لازم نعرف الاول هي بتتلعب ازاي ومش عارف ايه. فتلاليه لما عرف بتتلعب ازاي يقول لك ايه؟ لا لا لا مش هشتريها ببايخة -

- 00:49:44

فاحنا بدأنا نعوده على فكرة ان هو ما يسارعش في الحكم على حاجة وهكذا يعني اللي اقصده فكرة الوقوف عند نقاط الضعف الایه
اللي هي الحاضرة عرفت نقطة الضعف اللي هي عنده. خلاص - 00:49:59

ولان ده مهم بالنسبة لي في المعالجة ماشي؟ يبقى التحليل العميق توصيف الدقيق الوقوف على نقاط الضعف الوقوف على نقاط

القوه. حتى الوقوف كمان على التهديدات اللي بتهدده الحاجات اللي براها الخارجية عنده مشكلته ان مدرسته وحشة او اي -

00:50:15

اغلها عيال متفرنسين ومش عارف وما لهم مشكلته ان هو في يعني الشارع والحرارة وولاد يعني لازم ده برضه يبقى ايه؟ يبقى حاضر في النظرة له لابد ان يبقى حل الواقع بتاع ابني وبنتي بحيس اكون عرفته بشكل واضح -

00:50:38

تعرفت على ابني كويس جدا عشان احنا مسلا عندنا في الطلب يعني لو مسلا حد جاي بس انا بحب احكي لكم على تفاصيل عشان تعرفوا الى اي مدى هم مهتمين بالابدان -

00:51:01

والايمان اولى يعني مسلا ام جاية بتقول لي الولد سخن طيب المطلوب مني كالتالي طيبا اني اعمل حاجة اسمها يعني اخذ تاريخ شخصي اسمه سنه ابوه امه واخواته آآسلسله في في اخواته مين هو رقم مين -

00:51:16

طيب اجي بعد كده باخد حاجة اسمها البسط هيستوري ده بقى تاريخه المرضي الصحي من اول بقى هنرجع وراء لو سمحت اه نزل تسع شهور ولا سبع شهور كان في اي مشاكل حصلت في الحمل -

00:51:41

تقول لي لأ ما فيش حاجة الحمد لله. طيب لما نزل رضع صناعي ولا طبيعي كان بيأخذكم رضعة؟ البن اللي كان بيأخذكم كان اسمه ايه؟ معيش لنا كده شوية في اسمه الدليفري هيستر -

00:51:56

التطعيمات بقى خدتها كلها خد كزا وكزا وكزا اه خدتها. طيب ماشي. نخش اعدي في المونتال هيستر. مشي امتى طب قعد امتى؟ طب كان بيعمل مش عارف ايه -

00:52:12

خش بقى على الامراض. آآكان عنده اي مشاكل مرضية قبل كده طب الجهاز التنفسى كان اخباره ايه؟ طب قولى لي بالنسبة للجهاز العصبي يعمل كزا ولا لأ؟ طب قولى لي ده كده ده انا كده بتتكلم في تاريخ مرضي سابق -

00:52:26

اخش بقى على هو بقى سخن من امتى السخونة بتزيد ولا بتقل طيب اه في حاجة تانية مع السخونة وامسك الاجهزه جهاز ايه الاعراض الاكثر شيوعا في الجهاز العصبي واسأل -

00:52:41

واسأل واسأل خلاص بقى خلصني اقوم افحص بقى عندي خمس مراحل النزرة الاولى. بعد كده خمس مراحل في الفحص. انا شخصيا كنت بشتغل في عيادة كده ده زي ما بيقولوا زي ما الكتاب بيقول اللي هو انا ربنا يسألني عنه. لأن ممكن تيجي

تقول لي اللوز وجعاه وانا اساسا ما اركزش في اللوز. اركز -

00:52:59

ان ضربات قلبه فيها مشكلة الاقي مصيبة اكبر اصلا من اللوز اللي هي جاية تشتغلني بها اساسا فانا المفروض ابقى ناصح لها وانا مسئول قدام ربنا عن هي جابتني حطته قدامي -

00:53:27

انا بعمل اللي انا هتسأل عنه قدام ربنا مش اللي هي عايزاه المهم الشاهد انظروا الى اي مدى فيما يخص ايه؟ مشكلة بدنية ولذلك يعني ما تستسقلوش الموضوع او تستكتروه او تقولوا كتير لا الموضوع تحتاج ايه عادي خالص -

00:53:39

بالراحة ونجمع كل الداتا دي كل المعلومات اللي بيتم تجميعها دي لها قيمة كبيرة وزى ما قلنا في الاخير انت بتاخدي بالاسباب وده استهداء لله بتطلبي الهدایة. فيهديكي في الطريق. ما بيهديش واحد قاعد على جنب -

00:54:01

ما بيهديش واحد نايم يعني ممكن كل ده عمالة تعبي وفى الآخر خالص تقول لك ماما عارفة انا مرة حصل موقف كزا. هي دي يعني الفكرة ان احنا بس بنأخذ بالاسباب هو ايه؟ بيهدى. زي الشورى ايه فكرة الشورى؟ بنتشاور ليه -

00:54:21

عشان احنا ازكيا وهنهدى للحل لأ عشان ربنا وعد انه ينزل البركة على المتشاورين فلتلاقينا عمالين مش لاقيين لها حل. ده يقول كزا ويقول كزا. واحد كده متصورين انه نايم -

00:54:47

يقول يا جماعة نعمل كزا يبقى احنا جمعنا بين الحلين هي دي القاها الله على لسانه. ودائما يلقاها على لسان حد ايه مش في الدماغ خالص عشان احنا كنا بنفك ان المرة الجاية مش هنجيبه اصلا -

00:55:00

او هو كان بيفكر ان انا ما ليش اى لازمة في اى لازمة صحيح ما هي هي فكرة استهداء فكرة ان انا باخد بالاسباب استهداء لله. وهو هيايه سبحانه وبحمده هيهديك للحاجة دي في اللحظة دي. فانا دوري اخد بالاسباب -

00:55:17

بس انما احنا المشكلة نقصر في الاخد بالاسباب ونقول لا شكلها مش نافعة وبعد التحليل الموجود ده بشكل يعني ذي ما قلنا ما نستقلش او نستكتر هيبقى بيننا تحديد المفقود وده سهل تحديد دقق برضو نحدد ايه اللي ناقصني بالضبط؟ ايوا كده انا خدت بالي ناقصني كذا بالنسبة لابني. نبدأ في الجهود وترشيدها - 00:55:35

انا بقول اهو وترشيد الجهود ليه؟ لأن مسلا على سبيل المسال انت بتصرفي على ابنائك مبلغ ما في الشهر عادي ممكن مش لازم يعني راصدة لهم ميزانية. بس بيبقى معك مسلا ميت درهم هنا على خمسين درهم هنا على عشرين درهم هنا - 00:55:59

يبقى المال ده تشويفي بقى هو ما ينبغي ان يسخر فيه هيبقى كم لايمانهم وكام لابد انهم انت بتتنفقي عليهم من الوقت كذا. سوانى بقى ولذلك ما انتيش مستنiano ولا تحتاج اعقد احكي لك على حد - 00:56:14

انا حطيت لحضرتك الخريطة وانت مطلوب منك الجهود دي ترشدتها اذا كان كبير تسددها وتتجودها يعني نخليها احسن ولذلك يعني يقولوا انما السبيل تتبع النقط نقطة نقطة ييجي السير - 00:56:32

اجتماع النقاط. خلاص؟ انما السبيل اجتماع النقاط. ماشي صحيح فهي نقطة على نقطة على نقطة ييجي السبيل هي الفكرة كده. الفكرة ان انا باخد خطوة هيبقى مننا احنا بس نبدأ كده نشرع وعلى الله التمام فربنا يتم الامر المهم ان ربنا يرى من فوق سبع سماءات ان احنا شرعنا خدنا خطوة ولو صغيرة خطوة اصلاحية ولو صغيرة. على قد اللي احنا نقدر نعمله دلوقت - 00:56:59

في البناء والتمهيد عندنا طفل لسه صغير فرصتنا كويسة بقى من دلوقتي نركز على ايمانه بشكل كبير. وهزكركم بس قبل ما انهي دلوقتي بال حاجات اللي محتاجينها تسديد النية ولذلك الواجب العملي المطلوب من حضرتك ايه بعد اللي احنا قلناه ده كله - 00:57:35

تروحي تمسكي ورقة وقلم وتجددى نواياك فيما يتعلق اولادك لازم في ضوء اللي احنا قلناه ده وبعدين لابد ان انت لو كنت انت حضرتك زوجة تقعدى مع زوجك لو كنت حضرتك زوج تقعد مع زوجتك. وتقعدوا مع بعض تشعرها - 00:57:51

أهمية الموضوع ان احنا لازم ناخذ خطوة حتى ولو مش في دماغه خالص حتى ولو كذا. قولى له بص انت مش في دماغك. بس انا انا مش عايزاك تساعدنى. بس مش عايزاك - 00:58:11

تعوق بس لا انا مش عايزاك تساعدنى بس مش عايزك تعوقيني عشان بس بيقى البيئة نفسها تقعد مع اولادنا نقول لهم كذا كذا كذا ونأخذ خطوة لو احنا كنا اخطأنا - 00:58:24

ننوب الى الله ونستغفر. نقول معلش حبائبي انا كان المفروض اعمل كذا كذا. والله عجبني جدا. لما عملت السلسلة بتبع اصول التعامل مع الاطفال في ضوء السنة النبوية كنت في مكة - 00:58:39

فكنت عاملها في مكة فكان حاضر معه آآ رجل فاضل نحسبه ونزركيه على الله عمره اربعة وستين سنة انا اعرف اه اولاده وزرته في بيته يعني هو استضافني اكثر من مرة - 00:58:49

فكنت بتكلم عن الطريقة اللي سيدنا النبي كان بيتعامل فيها مع يعني مع اهله ومع اولاده ومع الاطفال والكلام من ده فطبعا مع الاطفال كانت بتجيئ سيرة غيره يعني المهم لقيت !! واحد !! ابنته ابنة يعني صديقي يعني فلقيته بيتصل بيا في اليوم ده بيقول لي بارك الله فيك وجزاك الله خيرا - 00:59:07

هو الاخ ده عمره كان ستة وتلاتين سنة تقريبا قال لي ابى عمل حاجة ما عملهاش من الستة وتلاتين سنة اللي انا عايش معهم فيها يعني هو كان مشكلتهم كلهم معه ان هو عنده تصور معين للتعامل ولللتزام والكلام ده في البيت - 00:59:27

قال لي ابى جمعنا كلنا ولاده وزوجته وقال لهم انا كل اللي عدى من عمري كان غلط انا كنت متخييل ان انا بعمل السنة وانا ما كنتش بعمل السنة ولا حاجة - 00:59:44

انا كت عندي تصور معين كده واحد من الشيوخ ومش عارف ايه. بس لما سمعت الاحاديس وعرفت اصلا اصلا النبي كان بيعمله. اكتشفت ان انا ما كنتش على السنة ولا حاجة - 00:59:58

هو انا مش عارف انا اصلاح اللي عدى ده ازاي بس اتمنى ان انتم تسامحوني وتساعدوني على ان انا ابدأ صفحة تانية انا اقسم بالله ما رأيت الفرح في عينين حد ما شفت الفرح في عينين ولاده - 01:00:08

هم صراحة يعني منهم صالحين ومنهم للاسف ولد كان راح في اتجاه كده المخدرات كمان والله كان سبب في ان ربنا يرده اللي كانت مشكلته الأساسية. ولذلك ما ما يستنكف احد - 01:00:28

ان احنا نقدر نقول بص يا ابني انا بحبك بس انا حاسس ان انا ما كنتش صح قوي احنا عايزين ناخذ الخطوات الصح بقى عادي حتى اذا كان عمره عشر سنين عمره اتناثر سنة هاعي - 01:00:42

فدي مهمة بقى ادارات الاممية احنا وهو مهم قوي بعد كده توليد الدافعية. بص يا سيدى عايزين ناخذ مع بعض خطوات بقى وانا بقى اوعدك بهدية جميلة لو قدرنا ننجح في الحلة الفلانية. بص - 01:00:55

بعصوا بقى انا ان شاء الله مش كنت وعداك بان احنا نروح رحلة فين؟ دي خلاص بقى انا ربطها وكذا. لو خلصنا مسلا جزء عم ده دراية ان شاء الله رايحين كذا - 01:01:09

ناخذ خطواتنا ونبدا في توليد الدافعية وبعد كده الحمد لله انا رأيي باختصار لو انتم عايزين حل بسيط قريب او ي سهل خالص ابدأوا مع ولادكم حاجة اسمها ختمة الدراسة الفهم والوصايا والمحبة على قناتنا على اليوتيوب - 01:01:19

بالوحي ناحية القناة الرسمية هتلاقوا محاضرة انا عاملها اسمها ختم الدراسة. خمسين دقيقة محاضرة تانية اسمها ختمة محبة اربعة وستين دقيقة تقريبا خلاص يعني المحاضرتين بالكتير ساعتين. وهتلاقوا كتاب موجود على صفحتي على التليجرام - 01:01:37

آآ صحفي اسمها شريف طي يونس بس قدامها ده لنقطة اه اسمه ختمات الدراسة اقرروا الكتاب واسمعوا المحاضرتين وابدوا نفزوا اللي في الكتاب مع ولادكم مع زوجاتكم في البيت وسترون خيرا كثيرا ان شاء الله. ان شاء الله اللي هيحضر منكم معنا الاسبوع

الجاي بازن الله اتمنى ان ما يكونش جاي الاسبوع الجاي الا تكونوا سمعتم المحاضرتين دول. وشفتوا الكتاب - 01:01:57

لان هيساعدكم ان شاء الله في الانطلاق وبادئا ان شاء الله من المرة القادمة هننطلق بازن الله مع الانبياء ان شاء الله رب العالمين وهيبدأ انطلاقنا مع سيدنا ابراهيم صلي الله عليه - 01:02:22

بصري سبحانه اللهم ربنا ويحمدك اشهد ان لا الله الا انت استغفرك واتوب اليك. عايز افكركم اني اخاف عليكم اني اراكم بخير ان اريد الاصلاح ما استطعت لا اسألكم عليه اجرا. اتمنى تسامحوني على شدة الكلمات او حدة العبارات. لكن آآ فعلا - 01:02:36

واحد يعني اه بیننا من نسب الایمان ما هو اوثق من انساب الابدان. الواحد بيتألم للمل المسلمين والمسلمات ويتوجه لوجه الابناء والبنات فنسأل الله سبحانه وبحمده آآ يعني ان يهبه لنا من ازواجنا وذرياتنا قرة اعين. اللهم هب لنا من ازواجنا وذرياتنا قرة اعين.

واجعلنا للمتقين اماما. اللهم هب لنا من ازواجنا - 01:02:54

ذريتنا قرة اعين واجعلنا للمتقين اماما. اللهم هب لنا من ازواجنا وذرياتنا قرة اعين واجعلنا للمتقين اماما. اللهم اوزعننا ان اذكر نعمتك التي انعمت علينا وعلى والدينا وان نعمل صالحا ترضاه - 01:03:20

واصلاح لنا في ذرياتنا وادخلنا برحمتك في عبادك الصالحين انا تبنا اليك وانا من المسلمين. اقول قولى هذا واستغفر ظهرى لكم ودمتم بخير والسلام عليكم ورحمة الله وبركاته - 01:03:35